

欽定禮記義疏卷第二十五

月令第六之六

孟冬之月。日在尾。昏危中。旦七星中。

夏小正初昏南門見時有養夜織女正北鄉則旦日

在尾淮南子作招搖指亥

正義鄭氏康成曰。孟冬者。日月會於析木之津。

孔疏析木。寅次之號。而

斗建亥之辰也。

高氏誘曰。尾東方宿。燕之分野。

孔氏穎

達曰。冬中也。陽氣在中也。或曰。冬終也。四時之終也。於月建

亥。亥該也。該闔於亥。三統歷。十月節。日在尾十度。昏危十四

度中。旦翼初度中。十月中。日在箕七度。昏室十度中。旦軫五

度中。元嘉歷。十月節。日在心二度。昏危一度中。旦張八度中。

十月中。日在尾十二度。昏尾十三度中。旦翼八度中。

案此謂立冬後三十日也。十月爲陽月。於卦爲坤。嫌於無陽。故特以陽名之。月建亥而日在寅。亥與寅合也。唐月令。十月之節。日在房。昏虛中。曉張中。斗建亥位之初。十月中氣。日在尾。昏危中。曉翼中。斗建亥位之中。通書。立冬日在氐五度。小雪日在房三度。今時憲書。立冬日在氐二度。小雪日在房初度。古法。析木初尾十度。終斗十一度。今法。初房一度。終箕一度。

其日壬癸。

淮南子上有其位北方

正義鄭氏康成曰。王之言任也。癸之言揆也。日之行東北從黑道。閉藏萬物。月爲之佐。時萬物懷妊於下。揆然萌芽。又因以爲日名焉。孔氏穎達曰。律歷志。懷妊於壬。陳揆於癸。

陳氏祥道曰王數六癸數五同於爲水爲智。張氏慮曰王癸屬冬以冬盛德在水也。

其帝顓頊其神玄冥。

正義鄭氏康成曰此黑精之君水官之臣自古以來著德立功者也顓頊高陽氏也玄冥少皞氏之子曰脩曰熙。張氏慮曰漢魏相傳北方之神顓頊帝乘坎執權而司冬顓之言專也陰盛則靜而專頊之言正也冬氣升而其位正故帝曰顓頊春爲蒼天知冬爲玄南爲明方知北爲冥故神曰玄冥。彭氏廉夫曰水北方玄深而冥昧故取爲神之名主冬而位北。

正義顓頊天水德之帝玄冥天水氣之神高陽與脩熙則人帝

人官之配食於此者也。

其蟲介。

正義戴氏德曰介蟲三百六十而龜爲之長。鄭氏康成曰

介甲也。象物閉藏地中龜鼈之屬。高氏誘曰象冬閉固皮

漫胡也。朱氏申曰冬則後而智介蟲屬焉以其性辨也。

吳氏澄曰北方斗牛女虛危室壁七宿有龜之象故凡物之

甲者皆屬水。盧氏翰曰北方玄武七宿水屬其類爲介故

冬則其蟲介。

其音羽律中應鐘。

正義鄭氏康成曰三分商去一以生羽羽數四十八

孔疏商數七十

二三分之爲二十四者三去其一故四十八其數最少聲最清清者最賤物比於人亦爲賤也屬水者以其

爲最清。物之象也。冬氣和則羽聲調。樂記曰。羽亂則危其財。

匱。孟冬氣至。則應鍾之律。應鍾者。姑洗之所生。三分去一。

律長四寸二十七分寸之二十。姑洗長七寸一分強。三分之

爲二寸七分強者。三去其一。得此數。周語。應鍾均利器用。俾

應復。

孔疏。應當也。言陰當代陽用事。百物可種藏。則均利百工之器。俾應復者。陰陽用事終則有始也。

高

氏誘曰。陰應於陽。轉成其功。萬物聚藏。故曰應鍾。漢志曰。

羽聚也。聚藏萬物而宇覆之。曰應鍾者。陰氣應無射。該藏萬

物而雜陽閔種也。班氏固曰。萬物應陽而動。下藏鍾聚也。

韋氏昭曰。十月應鍾。坤六三也。管長四寸七分。陰應陽用

事。萬物鍾聚。百嘉具備。時務均利。百官程度。庶品皆使應其

禮。復其性。陳氏祥道曰。應鍾。建亥之律。始事者。陽效法者。

陰陽始而倡之。陰成而應之。陰陽之道如是止矣。故曰應鍾。
朱子曰。管子云。凡聽羽如鳴鳥在樹。太史公云。羽動腎而
和正智。聞羽聲使人整齊而好禮。又曰。應鍾長四寸六分
六釐。

存疑 王氏喬桂曰。應鍾長四寸八分。自無射降九分。

其數六。其味鹹。其臭朽。

其數六下唐月令有其性
智其事聽朽淮南子作腐

正義

鄭氏康成曰。水生數一。成數六。但言六亦舉其成數。疏

易天一生水於北。地六成水
於北。但言六以成爲功也

鹹朽。水之臭味也。凡鹹朽者皆

屬焉。氣若有若無爲朽。孔氏穎達曰。水所以在北方者。從

盛陰之氣。所以潤下者。陽下從陰也。皇氏云。水數一。得土五

而成。故六。冬味鹹。臭朽者。水之氣味。在氣則朽。在口則鹹也。

馬氏晞孟曰。冬以陰極生水。水之成形而潤下。潤下作鹹。故味鹹。物以水化。則其氣爲朽。故臭朽。

其祀行祭先賢。

正義鄭氏康成曰。冬陰盛寒於水。祀之於行。從辟除之類也。

祀之先祭腎者。陰位在下。腎亦在下。腎爲尊也。行在廟門外。

之西。爲較壤。厚三寸。廣五尺。輪四尺。

孔疏較壇東西爲廣。南北爲輪。廟門外西常祀。

行神之壇。若國外祖道其壇隨路所向而廣輪之數亦同也。

祀行之禮。北面設主於較上。

乃制腎及脾爲俎。奠於主南。

孔疏主以菩芻棘栢爲之。

又設盛於俎東。祭

肉腎一。脾再。其它皆如祀門之禮。

孔疏皆逸中雷禮文。

高氏誘曰。行

門內地也。冬守在內。故祀之。一作井。水給人。冬水王。故祀之。

也。祭先賢。行屬水。自用其藏也。張氏慮曰。凡有功於人則

祀之冬與夏爲對。人之生不在家則在路。竈賴其養於家。行資其庇於路。其祀於冬者。車役其休之時也。朱氏申曰。行者。人之所以往。冬則陽復而陰往也。祭先賢不取相勝者。以陰靜而物辨也。

存異張氏處曰。賢當作心。水所勝也。

案揚雄蔡邕劉安皆謂冬祀井。蓋井水竈火皆功在養人。而夏火冬水亦於義爲合。行卽井也。易曰。往來井井。蓋祀井於汲道之旁。故云行歟。若行道之神。出祖則祭之。無常時。不當以列於五祀中也。但生民詩言取羝以軋以興嗣歲。則周於歲暮實祀行。蓋行者往來之道。而歲暮亦往來之交。故於此祀之。然觀詩別舉其文。則似不在五祀中。揚蔡諸家祀井之

說亦或以此與春先脾夏先肺秋先肝皆食其所勝而中央
不先腎冬不先心者五行惟水最卑五臟惟心最貴心爲君
主之官最尊不可屈故以居中之位配之而最卑者亦不敢
以干尊故但自食其所藏也張處說非

水始冰地始凍雉入大水爲蜃虹藏不見

雉入大水夏小正作
立雉入於淮唐作野

雞入
於淮



鄭氏康成曰皆記時候也大水雉也大蛤曰蜃高氏

誘曰傳曰雉入於淮爲蜃虹陰陽之交氣是月陰壯故不見

方氏慤曰冰卽水也水以陽釋冰以陰凝也凍氣閉而陽

不能熙也孟冬重陰之始故冰凍皆於此始焉馬氏晞孟

曰雉火屬蜃水屬陽不勝陰而並與遷焉故化虹以陰干陽

則見此時陽升陰降而弗通故藏。張氏處曰水冰地凍皆氣凝也。雉之爲蜃雉不自知由得水而然也。虹天地之淫氣見於春乘陽也藏於冬伏陰也。朱氏申曰陰陽極乎辨故虹不見。陳氏澹曰虹非有質而曰藏者亦言其氣之下伏耳。

天子居立堂左个。乘立路。駕鐵驪載立旂。衣黑衣。服立玉。食黍與蕡。其器閔以奄。

呂氏春秋作宏以弁淮南子有北宮御女擊磬石其兵鍛

立鄭氏康成曰立堂左个北堂西徧也。鐵驪色如鐵。黍秀

舒散屬火。寒時食之亦以安性也。蕡水畜器閔而奄象物閉

藏也。高氏誘曰立堂向北堂左个西頭室也。立黑皆順水

色也。宏犬弁深象冬閉藏也。孔氏穎達曰黑深而立淺旂

色淺。衣色深。玉亦用自然之色也。張氏慮曰。冬爲立其。故取以名冬。所居此當亥上十月位也。寒氣不可過。故食火穀以減之。寒氣不可抑。故食當方之牲以存之。

義黍南方之穀。而宜黑墻。冬食之從其宜也。燕坎畜坎一陽在陰中。冬之象也。陽在內。故器中寬。陰在外。故上下窄。

是月也以立冬。先立冬三日。太史謁之天子曰。某日立冬。盛德在水。天子乃齋。立冬之日。天子親帥三公九卿大夫以迎冬於北郊。還反。賞死事恤孤寡。

正義

鄭氏康成曰。死事。謂以國事死者。若公叔禺人。顏涿聚

者也。

孔疏公叔禺人。見左傳哀十一年。顏涿聚。見左傳哀二十三年。

孤寡其妻子也。有以惠

賜之大功加賞。高氏誘曰。迎冬於北六里之郊。水氣用事。

其先人有死王事以安社稷者賞其子孫有孤寡者矜恤之
孔氏穎達曰因殺氣之盛故賞死事以財祿供給其妻子
朱氏申曰賞軍帥武人所賞者猶寡賞死事而恤其孤寡
所賞者爲多蓋秋爲少陰而冬爲重陰故也

案仲春養幼少存諸孤順生氣之盛也孟冬賞死事恤孤寡
感殺氣之盛也

在張氏處曰念死事之人慮其孤寡不得所養從而賞之
順時之政於是爲至

案賞與恤分二義蓋死事之子孫不孤寡者則賞之其孤寡
者則恤之恤視賞其惠又有加也高說甚明張氏混而一之
誤

是月也。命大史釁龜策占兆審卦。

坊城曰句。

吉凶是察。

句。

阿黨則罪。

句。

無有掩蔽。

策初革反。又呂氏春秋作命。大卜禱祀龜策審卦。兆以察吉凶。于時有阿上亂法者。則罪之。無有掩蔽。

蔽。

正義

鄭氏康成曰。策著也。周禮龜人上春釁龜。謂建寅之月。

秦以亥月為歲首。使太史釁龜策。與周異矣。今月令曰釁祠。

高氏誘曰。周禮太卜掌三兆之法。一曰玉兆。二曰瓦兆。三

曰原兆。又掌三易之法。一曰連山。二曰歸藏。三曰周易。龜曰

兆。策曰卦。故命大卜禱祀龜策。占兆審卦。以知吉凶。於是有

阿意曲從。取容於上。以亂法度者。必察知之。則行其罪罰。無

敢強匿者。方氏慤曰。物有釁則妖作。以血塗之。祓除其釁。

故謂之釁龜。以下而有兆。策以筮而有卦。兆有象。故言占卦。

有數故言審。占兆審卦則吉凶可得而知。必於歲首者。欲以知一歲之吉凶也。陸氏佃曰。疊龜筮筮亦疊也。吉凶是察者。占人所謂以八簪占八頌以八卦占簪之八故也。吳氏澄曰。兆謂龜所坼之兆卦。謂筮所得之卦。既命大史疊其龜筮。乃以龜卜之。觀卜之所遇爲何兆。以筮筮之。觀筮之所值爲何卦。於是推占其兆。測審其卦。以定吉凶何如也。馬氏曰。曲承曰阿。私附曰黨。掩自上掩之。蔽從旁蔽之。

存疑張氏慮曰。阿黨之察亦係之太史者。如董狐趙盾之書。南史崔杼之書其阿黨之罪。毫無掩蔽也。

存異鄭氏康成曰。占兆龜之繇文也。吉凶謂易也。審省錄之而不疊。筮短賤於龜也。阿黨謂治獄吏以私恩曲撓相爲也。

孔氏穎達曰。非但釁此龜策。又釁此占兆繇文。易六十四卦。有吉有凶。故曰卦吉凶。是正審察獄吏阿黨之事。則在下犯罪之人。獄吏不能掩蔽。

䷗ 邱氏光庭曰。孔云釁占兆之書。非也。周禮有釁龜無釁兆。兆辭存於竹帛。何容以血塗之哉。爾雅占視也。占繫人不繫兆也。易經三占。廣大悉備。豈短賤於龜乎。筮短龜長。乃不善筮者之言耳。

䷗ 或謂阿黨則罪。所謂假於卜筮以疑眾者殺也。存之以備一義。

是月也。天子始裘。

夏小正王始裘在九月

䷗ 鄭氏康成曰。九月授衣。至此可以加裘矣。高氏誘曰。